

陽明燥金司天少陰君火在泉中見少宮土運歲
土不及氣化運行後天歲之氣化上見陽明左間
太陽右間少陽故天氣急而其政切下見少陰左
間太陰右間厥陰故地氣明而其令暴陽專其令
炎暑盛行物燥以堅淳風乃治風燥橫運流於氣
交多陽少陰雲趨雨府濕化乃敷燥極而澤其爲
氣也清熱之氣持於氣交風化清化勝復同是謂
邪氣化度也清化九雨化五熱化七是謂正化度
也金火合德其在天也上應太白熒惑其在物也

重刊聖濟總錄 卷一之四
歲穀白丹間穀命太微者歲物所宜則羽蟲育地
氣所制則介蟲耗寒毒不生其耗白甲品羽蟄蟲
乃見流水不冰民病欬嗌塞寒熱發暴振慄癢悶
清先而勁毛蟲乃死熱後而暴介蟲乃殃然金爲
天氣火爲地氣火能勝金土運間之其邪乃微天
氣微虛宜資其化源以助金氣兼安其運土無使
受邪食白丹之穀以安其氣食間氣之穀以去其
邪歲宜以鹹以苦以辛汗之清之散之運同清氣
宜多地化治之常也歲半之前天氣陽明主之燥

所勝則木乃晚榮草乃晚生筋骨內變民病乃
左肱勝痛寒清於中感而瘧大涼革候欬腹中鳴
注泄鶩澹名木斂生苑於下草焦土首心脇暴痛
不可反側嗌乾面塵腰痛目昧背瘍瘡瘞癰病本
於肝胗在足太衝之脉法宜平以苦温 佐以酸
辛以苦下之歲半之後地氣少陰主之熱淫於內
則焰浮川澤陰處反明民病腹中常鳴氣土衝胸
喘不能久立寒熱皮膚痛目瞑齒痛頤腫惡寒發
熱如瘧少腹中痛腹大法宜治以鹹寒佐以甘苦

以酸收之以苦發之歲運之化土不及紀日卑監是謂減化化氣不令生政獨彰長氣整雨乃愆收氣平風寒並興草木榮美秀而不實成而秕也其氣散其用靜定其動瘍漏分潰癰腫其發濡滯其化兼所不勝四維有埃雲潤澤之化則春有鳴條鼓拆之政若四維發振拉飄騰之變則秋有肅殺霖灑之復其眚四維其臟脾其病內舍心腹外在肌肉四肢復則收政巖峻名木蒼凋胸脇暴痛下引少腹善太息氣客於脾食少失味治宜以甘和

調中初之氣自戊寅年大寒日亥初至是歲春分日酉初凡六十日八十七刻半主位少角木客氣太陰土中見土運氣與運同風不勝濕地氣遷陰始凝氣始肅水乃冰寒雨化其病中熱脹面目浮腫善眠欬衄噎欠嘔小便黃赤甚則淋宜治太陰之客以甘補之以苦寫之以甘緩之歲穀宜白閒穀宜麻雖有濕邪不能爲害是氣也司氣以涼用涼無犯二之氣自春分日酉正至小滿日未正凡六十日有奇主位太徵火客氣少陽火中見上運

二火同治陽乃布民乃舒物乃生榮厲大至民善
暴死宜治少陽之客以鹹補之以甘寫之以鹹輒
之歲穀宜白閒穀宜豆雖有火邪不能為害三之
氣自小滿日申初至大暑日午初凡六十日有奇
主位太徵火客氣陽明金中見土運火生土土生
金下生上天政布涼乃行燥熱交合燥極而澤民
病寒熱宜治陽明之客以酸補之以辛寫之以苦
泄之歲穀宜白閒穀宜黍雖有燥邪不能為害四
之氣自大暑日午正至秋分日辰正凡六十日有

奇主位少宮土客氣太陽水中見土運運土得位
太陽居之寒雨降病暴仆振慄譫妄少氣嗌乾引
飲及為心痛癰腫瘡瘍瘡寒之疾骨痿血便宜治
太陽之客以苦補之以鹹寫之以苦堅之以辛潤
之歲穀宜丹閒穀宜稷雖有寒邪不能為害五之
氣自秋分日巳初至小雪日卯初凡六十日有奇
主位太商金客氣厥陰木中見土運客氣勝金運
春令反行草乃生榮民氣和宜調厥陰之客以辛
補之以酸寫之以甘緩之歲穀宜丹閒穀宜稻雖



有風化不能爲害終之氣自小雪日卯正至大寒日丑正凡六十日有奇主位少羽水客氣少陰火中見土運氣能生運陽氣布候反溫蟄蟲來見流水不冰民乃康平其病溫宜治少陰之客以鹹補之以甘寫之以酸收之歲穀宜丹間穀宜豆雖有熱邪不能爲害此六氣之常也歲氣之交天氣勝則有少陽之復地氣勝則有太陽之復其治各依其勝復法

庚辰歲



太陽寒水司天太陰濕土在泉中見太商金運歲
金太過氣化運行先天天地之氣上見太陽左間
厥陰右間陽明故天政所布其氣肅下見太陰左
間少陽右間少陰故地氣靜而其令徐寒臨太虛
陽氣不令寒政大舉澤無陽燄則火發待時少陽
中治時雨乃涯止極雨散還於太陰雲朝北極濕
化乃布澤流萬物寒敷於上雷動於下水土合德
上應辰星鎮星其穀元齡歲氣之化寒化一清化
九雨化五正化度也倮蟲育歲物所宜也鱗蟲不

成燥毒不生地氣制之也寒濕之氣持於氣交民
病寒濕發肌肉萎足痿不收濡寫血溢是歲水爲
天氣土爲地氣中見金運土能勝水天化爲虛金
運統之土生金金生水以下生上天化雖虛氣運
相生其邪乃微宜先資化源以助天氣之虛抑其
運金扶其木氣無使暴過而生其疾食齡元之穀
以全其真避虛邪之氣以安其正歲宜以苦熱調
上以甘熱調下以辛溫調中運同寒濕以燥熱化
治之常也淫勝之氣歲半之前天氣太陽主之若

寒淫所勝則寒氣反至水且冰血變於中發爲癰
瘍民病厥心痛嘔血血泄飀飀善悲時眩仆運火
炎烈雨暴乃雹胸腹滿手熱肘攣腋腫心澹澹大
動胸脇胃腕不安面赤目黃善噫隘乾甚則色焔
渴而欲飲病本於心診在手神門之脉法宜平以
辛熱佐以甘苦以鹹寫之歲半之後地氣太陰主
之若濕淫於內則埃昏巖谷黃反見黑至陰之交
民病飲積心痛耳聾渾渾焯焯噤腫喉痺陰病血
見少腹痛腫不得小便病衝頭痛目似脫項似拔

腰似折髀不可以曲脰如結膈如別法宜治以苦熱佐以酸淡以苦燥之以淡泄之歲運之化金太過者紀曰堅成是謂收引天氣潔地氣明陽氣隨陰治化燥行其政物以司成收氣繁布化洽不終其化成其氣削其政肅其令銳切其德霧露蕭颯其動暴折瘍疰其變肅殺凋零其病喘喝胸憑仰息其化兼其所勝故曰歲金太過燥氣流行肝木受邪民病兩脇下少腹痛目赤痛背瘍耳無所聞肅殺而甚則體重煩冤胸痛引背兩脇滿且痛引

少腹甚則喘欬逆氣肩背痛下連股膝髀膈胫足皆病收氣氣峻則病暴痛肱脇不可反側欬逆甚而血溢診在足太衝之脉其治悉以辛溫調中初之氣自己卯年大寒日寅初至是歲春分日子初凡六十日八十七刻半主位少角木客氣少陽火中見金運火氣勝運地氣遷氣乃大溫草乃早榮民乃厲溫病乃作身熱頭痛嘔吐肌腠瘡瘍宜治少陽之客以鹹補之以甘寫之以鹹輒之歲穀宜元間穀宜豆雖有火邪不能爲害二之氣自春分

日子正至小滿日戌正凡六十日有奇主位太徵
火客氣陽明金中見金運氣與運同大涼反至民
乃慘草乃遇寒火氣遂抑民病氣鬱中滿寒乃始
宜治陽明之客以酸補之以辛寫之以苦泄之歲
穀宜元間穀宜黍雖有燥邪不能爲害是氣也無
犯司氣之涼三之氣自小滿日亥初至大暑日酉
初凡六十日有奇主位太徵火客氣太陽水中見
金運水制火天政布寒氣行雨乃降民病寒反熱
中癰疽注下心熱瞽悶不治者死宜治太陽之客

以苦補之以鹹寫之以苦堅之以辛潤之歲穀宜
元間穀宜稷雖有寒邪不能爲害四之氣自大暑
日酉正至秋分日未正凡六十日有奇主位少宮
土客氣厥陰木中見金運木勝土金反制之又遇
太陰交司風濕交爭風化爲雨乃長乃化乃成民
病大熱少氣肌肉萎足痿注下赤白宜治厥陰之
客以辛補之以酸寫之以甘緩之歲穀宜藜間穀
宜稻雖有風邪不能爲害五之氣自秋分日申初
至小雪日午初凡六十日有奇主位太商金客氣


少陰火中見金運歲運得位客火勝之陽復化草
乃長乃化乃成民乃舒宜調少陰之客以鹹補之
以甘寫之以酸收之歲穀宜藜間穀宜豆雖有熱
化不能爲邪終之氣自小雪日午正至大寒日辰
正凡六十日有奇主位少羽水客氣太陰土中見
金運土生金金生水其化順地氣正濕令行陰凝
太虛埃昏郊野民乃慘淒寒風以至反者孕乃死
宜治太陰之客以甘補之以苦寫之以甘緩之歲
穀宜藜間穀宜麻雖有濕邪不能爲害此六氣之
化也是歲天氣勝者太陰復之地氣勝者厥陰復
之其治皆如勝復之法

重校聖濟總錄

卷之四

醫

燕巖堂



重校聖濟總錄


卷之四

運氣

醫

燕巖堂

辛巳歲



厥陰風木司天少陽相火在泉中見少羽水運歲
水不及氣化運行後天天地之氣上見厥陰左間
少陰右間太陽故天氣擾而其政撓下見少陽左
間陽明右間太陰故地氣正而其令速風生高遠
炎熱從之雲趨雨府濕化乃行風火合德上應歲
星熒惑其穀蒼丹閒穀言太商者其耗文角品羽
風燥火熱勝復更作蟄蟲來見流水不冰熱病行
於下風病行於上風燥勝復形於中雨化風化勝
復同邪氣化度也風化三寒化一火化七正化度

也風化爲司天苦化爲在泉元化爲司運柔化清
化爲間氣灼化爲居氣其在物也毛蟲靜羽蟲育
是爲歲物所宜介蟲耗寒毒不生是爲地氣所制
然歲氣天化虛地化盈宜資化源以助天氣之木
化源雖虛水運在中水能生木邪乃微也必贊其
運水無使邪勝以辛涼調上以鹹寒調下畏火之
氣無妄犯之歲半之前厥陰主之若風淫所勝則
太虛埃昏雲物以擾寒生春氣流水不冰民病胃
脘當心而痛上支兩脇膈咽不通飲食不下舌本

強食則嘔冷泄腹脹溏泄瘦水閉病本於脾胘在
足衡陽之脉其法平以辛涼佐以甘苦以甘緩之
以酸寫之歲半之後少陽主之若火淫於內則燄
明郊野寒熱更至民病注泄赤白少腹痛溺赤甚
則血便其法治以鹹冷佐以苦辛以酸收之以苦
發之歲運之化水不及紀曰涸流是謂反陽藏令
不舉化氣乃昌長氣宣布蟄蟲不藏土潤水泉減
草木條茂榮秀滿盛其氣滯其用滲泄其動堅止
其發燥槁其主埃鬱昏翳其病痿厥堅下其化兼


所不勝四維有湍潤埃雲之化則不時有和風生
發之應四維發埃昏驟注之變則不時有飄蕩振
拉之復其膏北其藏腎其病內舍腰脊骨髓外在
谿谷踰膝皆以苦和調中初之氣自庚辰年大寒
日巳初至是歲春分日卯初凡六十日八十七刻
半主位少角木客氣陽明金中見水運金勝木水
運間之寒始肅殺氣方至民病寒於右之下宜治
陽明之客以酸補之以辛寫之以苦泄之歲穀宜
蒼間穀宜黍二之氣自春分日卯正至小滿日丑

正凡六十日有奇主位太徵火客氣太陽水中見
水運氣與運同寒不去華雪水冰殺氣施化霜乃
降名草上焦寒雨數至陽復化民病熱於中宜治
太陽之客以苦補之以鹹寫之以苦堅之以辛潤
之歲穀宜蒼間穀宜稷是氣也無犯司氣之寒三
之氣自小滿日寅初至大暑日子初凡六十日有
奇主位太徵火客氣厥陰木中見水運歲運之水
制火而生木故天政布風乃時舉民病泣出耳鳴
掉眩宜治厥陰之客以辛補之以酸寫之以甘緩

之歲穀宜蒼閒穀宜稻四之氣自大暑日子正至
秋分日戌正凡六十日有奇主位少宮土客氣少
陰火中見水運溽暑濕熱相薄爭於左之上民病
黃瘰而爲胛腫宜治少陰之客以鹹補之以甘寫
之以酸收之歲穀宜丹閒穀宜豆五之氣自秋分
日亥初至小雪日酉初凡六十日有奇主位太商
金客氣太陰土中見水運客土刑運燥濕更勝沉
陰乃布寒氣及體風雨乃行宜治太陰之客以甘
補之以苦寫之以甘緩之歲穀宜丹閒穀宜麻終
之氣自小雪日酉正至大寒日未正凡六十日有
奇主位少羽水客氣少陽火中見水運歲運得位
而畏火司令陽乃大化蟄蟲出見流水不冰地氣
大發草乃生人乃舒其病溫厲宜治少陽之客以
鹹補之以甘寫之以鹹輒之歲穀宜丹閒穀宜豆
此六氣之化也歲氣之交天氣勝者則有陽明之
復地氣勝者則有太陽之復觀其勝復者各依其
法治之



壬午歲



少陰君火司天陽明燥金在泉中見太角木運歲
木太過氣化運行先天熱化爲天氣柔化爲左間
蒼化爲司氣故天政所布其氣明辛化爲地氣藏
化爲左間明化爲右間故地氣肅而其令切寒交
暑熱加燥雲馳雨府濕化乃行時雨乃降金火合
德上應熒惑太白其穀丹白水火寒熱持於氣交
而爲病始熱病生於上清病生於下寒熱相犯而
爭於中民病欬喘衄溢血泄鼻嚏目赤背瘍寒厥
入胃心痛腰痛腹大溢乾腫上其爲化也熱化二

風化入清化四是爲正化度也其爲物也羽蟲靜
介蟲育是乃歲物所宜毛蟲耗濕毒不生是爲地
氣所制歲之交火在天金在地火勝金天氣盈地
氣虛木運助火天氣火盈其邪爲甚宜於年前先
取化源以平火氣必抑其運木資其歲勝無使暴
過而生其疾食丹白之穀以全真氣食間氣之穀
以辟虛邪歲宜鹹以輒之而調其上甚則以苦發
之以酸收之而安其下甚則以苦泄之運同天氣
以寒清化故曰其化上鹹寒中酸涼下酸溫藥食

宜也歲半之前少陰主之熱淫所勝則怫熱至火
行其政民病胸中煩熱嗌乾右胫滿皮膚痛寒熱
欬喘大雨且至唾血血泄飀衄嘔溺色變甚則
瘡瘍附腫肩背臂臑及缺盆中痛心痛肺臙腹大
滿膨膨而喘欬病本於肺診在手尺澤之脉法宜
平以鹹寒佐以苦甘以酸收之歲半之後陽明主
之燥淫於內則瞽霧清瞋民病喜嘔嘔有苦善太
息心脇痛不能反側甚則嗌乾面塵身無膏澤足
外反熱法宜治以苦溫佐以甘辛以苦下之歲運

重校聖濟總錄 卷之四
之化木太過紀曰發生是謂啟陳上踈泄蒼氣達
陽和布化陰氣乃隨生氣淳化萬物以榮其化生
其氣美其政散其令條舒其動掉眩顛疾其德鳴
靡啟折其變振拉摧拔其病怒其化兼其所勝故
曰歲木太過風氣流行脾土受邪民病飧泄食減
體重煩寃腸鳴腹支滿甚則忽忽善怒眩冒顛疾
化氣不政生氣獨治雲物飛動草木不寧甚則搖
落及脇痛而吐甚診在足衝陽之脉其治宜以酸
涼初之氣自辛巳年大寒日申初至是歲春分日


午初凡六十日八十七刻半主位太角木客氣太
陽水中見木運歲運當位寒水居之地氣遷燥將
去寒乃始蟄復藏水乃冰霜復降風乃至陽氣鬱
民反周密關節禁固腰膓痛炎暑將起中外瘡瘍
宜治太陽之客以苦補之以鹹寫之以苦堅之以
辛潤之歲穀宜丹間穀宜稷雖有寒邪不能爲害
二之氣自春分日午正至小滿日辰正凡六十日
有竒主位少徵火客氣厥陰木中見木運氣與運
同陽氣布風乃行春氣以正萬物應榮寒氣時至

民乃和其病淋目瞑目赤氣鬱於上而熱宜治厥
陰之客以辛補之以酸寫之以甘緩之歲穀宜丹
間穀宜稻雖有風化不能爲邪三之氣自小滿日
巳初至大暑日卯初凡六十日有奇主位少徵火
客氣少陰火中見木運火居火位木化資之天政
布大火行庶類蕃鮮寒氣時至民病寒氣厥心痛
寒熱更作欬喘目赤宜治少陰之客以鹹補之以
甘寫之以酸收之歲穀宜丹間穀宜豆雖有熱邪
不能爲害四之氣自大暑日卯正至秋分日丑正

凡六十日有奇主位太宮土客氣太陰土中見木
運土居其位溽暑至大雨時行寒熱互至民病寒
熱噤乾黃瘡齁衄飲發宜治大陰之客以甘補之
以苦寫之以甘緩之歲穀宜白間穀宜麻雖有濕
化不能爲邪五之氣自秋分日寅初至小雪日子
初凡六十日有奇主位少商金客氣少陽火中見
木運木生火畏火臨暑反至陽乃化萬物乃生乃
長榮民乃康其病溫宜治少陽之客以鹹補之以
甘寫之以鹹軟之歲穀宜白間穀宜豆雖有火邪

不能爲害終之氣自小雪日子正至大寒日戌正
凡六十日有奇主位太羽水客氣陽明金中見木
運金勝木燥令行餘火內格腫於上欬喘甚則血
溢寒風數舉則霧霧翳病生皮腠內舍於脇下連
少腹而作寒中地將易也宜治陽明之客以酸補
之以辛瀉之以苦泄之歲穀宜白閒穀宜黍雖有
燥邪不能爲害此六氣之化也歲氣之交熱氣勝
者必有太陽之復燥氣勝者必有少陽之復治之
各依其勝復爲法

癸未歲



太陰濕土司天太陽寒水在泉中見少徵火運歲
火不及氣化運行後天濕化爲天氣丹化爲司氣
灼化爲居氣故地氣上騰陰專其政而其令政肅
鹹化爲地氣動化爲左間清化爲右間故天氣下
降陽氣退辟而其令寂大風時起原野昏霧白埃
四起雲奔南極物成於差夏濕寒合德黃黑埃昏
流行氣交上應鎮星辰星其穀齡元閒穀命太角
者寒化雨化勝復同邪氣化度也雨化五火化二
寒化六正化度也陰凝於上寒積於下寒水勝火

則爲水電陽光不治殺氣乃行保蟲靜不蟲育是爲歲物所宜羽蟲不成熱毒不生是爲地氣所制故有餘宜高不及宜下有餘宜晚不及宜早土之利氣之化也民氣亦從之其病寒濕腹滿身臃憤肘腫痞逆寒厥拘急是歲濕土在上寒水在下土能制水天氣盈地氣虛宜取化源以平土氣益其歲氣無使邪勝食齡元之穀以全其真食閒氣之穀以保其精歲宜以苦燥之溫之甚者發之泄之不發不泄則濕氣外溢肉潰皮折而水血交流必

贊其陽火令禦甚寒運異寒濕其化宜少用燥熱故曰其化上苦溫中鹹溫下甘熱藥食宜也歲半之前太陰主之濕淫所勝則沉陰且布雨變枯槁民病肘腫骨痛陰痺陰痺者按之不得腰脊頭項痛時眩大便難陰氣不用饑不欲食欬唾則有血心如懸病本於腎診在足太谿之脈法當平以苦熱其濕上甚而熱治以苦溫佐以甘辛以汗爲故而止歲半之後太陽主之寒淫於內則凝肅慘慄民病少腹控睪引腰脊上衝心痛血見溢痛頷腫

法宜治以甘熱佐以苦辛以鹹寫之以辛潤之以苦堅之歲運之化火不及紀曰伏明是謂勝長長氣不宣藏氣反布收氣自化政令乃行寒清數舉暑令乃薄承化物生生而不長成實而稚遇化已者陽氣屈伏蟄蟲早藏其氣鬱其用暴其動彰伏變易其發痛其病昏惑悲忘其化兼所不勝夏有炳明光顯之化則冬有嚴肅霜寒之政若夏有慘悽凝冽之勝則不時有埃昏大雨之復其青南其臟心其病內舍膺脇外在經絡故曰歲火不及寒

乃盛行長政不用物榮而下凝慘而甚則陽氣不化乃折榮美民病胸中痛脇支滿兩脇痛膺背肩胛間及兩臂內痛甚則屈不能伸髀如列復則大雨且至民病驚澹腹滿食飲不下寒中腸鳴泄注腹痛暴攣痿痺足不任身其法悉以鹹溫調中初之氣自壬午年大寒日亥初至是歲春分日酉初凡六十日八十七刻半主位太角木客氣厥陰木中見火運風木得位地氣遷寒乃去春氣正風乃來生布萬物以榮民氣條舒風濕相薄雨乃後

重校皇清系錄 卷一之四 三 燕遠堂
民病血溢筋絡拘強關節不利身重筋痿宜調厥
陰之客以辛補之以酸寫之以甘緩之歲穀宜麩
間穀宜稻雖有風化不能爲邪二之氣自春分日
酉正至小滿日未正凡六十日有奇主位少徵火
客氣少陰火中見火運君火自居其位不氣司化
是謂灼化大火正物承化民乃和其病溫厲盛行
遠近咸若濕蒸相薄雨乃時降宜調少陰之客以
鹹補之以甘寫之以酸收之歲穀宜麩間穀宜豆
雖有熱化不能爲邪三之氣自小滿日申初至大

暑日午初凡六十日有奇主位少徵火客氣太陰
土中見火運歲火當位濕化鬱之天政布濕氣降
地氣騰雨乃時降寒乃隨之感於寒濕則民病身
重胛腫胸腹滿宜治太陰之客以甘補之以苦寫
之以甘緩之歲穀宜麩間穀宜麻雖有濕邪不能
爲害四之氣自大暑日午正至秋分日辰正凡六
十日有奇主位太宮土客氣少陽火中見火運氣
與運同畏火臨溽蒸化地氣騰天氣否隔寒風曉
暮蒸熱相薄草木凝烟濕化不流則白露陰布以

成秋令民病腠理熱血暴溢心腹滿熱臚脹甚則
胕腫宜治少陽之客以鹹補之以甘寫之以鹹輒
之歲穀宜元閒穀宜豆雖有火邪不能爲害是氣
也無犯司氣之熱五之氣自秋分日已初至小雪
日卯初凡六十日有奇主位少商金客氣陽明金
中見火運氣與位同慘令已行寒露下霜乃早降
草黃木落寒氣及體君子周密民病皮膚腠宜調陽
明之客以酸補之以辛寫之以苦泄之歲穀宜元
閒穀宜黍雖有火化不能爲邪終之氣自小雪日

卯正至大寒日丑正凡六十日有奇主位太羽水
客氣太陽水中見火運水當其位而能勝火寒大
舉濕大化霜乃積陰乃凝水堅冰陽先不治感於
寒則病人關節禁固腰膝痛寒濕特於氣交而爲
疾也宜調太陽之客以苦補之以鹹寫之以苦堅
之以辛潤之歲穀宜元閒穀宜黍雖有寒化不能
爲邪此六節之氣也氣交之化天氣勝者則有厥
陰之復地氣勝者則有太陰之復各以其勝復法
治之

重刊皇清系金

卷一之中

三
重刊皇清系金



